

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 39. stav (3) i 52. stav (1) i (3) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva zdravstva, Vlada Zeničko-dobojskog kantona, na 115. sjednici, održanoj 30.01.2026. godine,
d o n o s i

ODLUKU

o usvajanju Programa utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za Kantonalni zavod za bolesti ovisnosti“ - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX005, pozicija „Tekući transfer za Kantonalni zavod za bolesti ovisnosti” - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), u ukupnom godišnjem iznosu od 110.000,00 KM (slovima: stotinudesethiljada konvertibilnih maraka), koji čini sastavni dio ove odluke.

Član 2.

(Način realizacija sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-1915/26

Datum, 30.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.

P R O G R A M

utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ - „Tekući transfer za Kantonalni zavod za bolesti ovisnosti“ - Izvor 10 Budžeta Zeničko-dobojskog kantona za 2026. godinu

I. PREDMET PROGRAMA

Ovim programom utroška sredstava utvrđena je namjena utroška sredstava planiranih u Budžetu Zeničko-dobojskog kantona za 2026. godinu u razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX005, pozicija „Tekući transfer za Kantonalni zavod za bolesti ovisnosti“- Izvor 10.

II. SVRHA PROGRAMA

Svrha ovog programa je finansijska podrška Vlade Kantona kroz djelimično finansiranje preventivnih programa koje provodi JZU Zavod za bolesti ovisnosti Zeničko-dobojskog kantona, a u skladu sa članom 13. i 62. Zakona o zdravstvenoj zaštiti („Službene novine Federacije Bosne i Hercegovie“, broj: 46/10 i 75/13).

Preventivnim programima koji će biti sufinansirani sredstvima iz Budžeta Zeničko-dobojskog kantona za 2026. godinu podići će se nivo znanja i svijesti za očuvanje zdravlja i sprečavanje uzimanja prve droge, sprečavanje nastanka bolesti zbog konzumacije duhana i alkohola i sprečavanje nastanka poremećenog i neprilagođenog ponašanja koje ima karakter ovisničke bolesti.

III. VISINA SREDSTAVA

Sredstava utvrđenih ovim programom iznose na godišnjem nivou 110.000,00 KM (slovima: stotinudesethiljada konvertibilnih maraka) i odnose se na djelimično finansiranje preventivnih programa iz nadležnosti JZU Zavoda za bolesti ovisnosti Zeničko-dobojskog kantona.

IV. IZVORI SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614100 – Tekući transferi drugim nivoima vlasti, subanalitika LAX005, pozicija „Tekući transfer za Kantonalni zavod za bolesti ovisnosti“.

V. KORISNIK SREDSTAVA

Krajnji korisnik sredstava utvrđenih ovim programom je JZU Zavod za bolesti ovisnosti Zeničko-dobojskog kantona.

VI. KRITERIJ ZA RASPODJELU SREDSTAVA

Kriteriji raspodjele sredstava su Programi utroška sredstava planiranih u Budžetu Zeničko-dobojskog kantona za 2026. godinu koje je JZU Zavod za bolesti ovisnosti Zeničko-dobojskog kantona dostavila Ministarstvu zdravstva svojim dopisom broj: 05-37-39-1/26 od 09.01.2026. godine.

Preventivni programi koji će biti sufinansirani sredstvima iz Budžeta Zeničko-dobojskog kantona za 2026. godinu su:

1. Primarna prevencija, ambulantno-poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o ilegalnim psihoaktivnim sredstvima - ovisnost o ilegalnim psihoaktivnim supstancama,
2. Primarna prevencija i psihoterapijski tretman ovisnika o duhanu - ovisnost o legalnim psihoaktivnim supstancama - cigarete/pušenje,
3. Primarna prevencija, ambulantno-poliklinička i stacionarna zdravstvena zaštita sa rehabilitacijom, resocijalizacijom i reintegracijom ovisnika o alkoholu - ovisnost o legalnim psihoaktivnim supstancama - alkohol i
4. Primarna prevencija i psihoterapijski tretman ovisnika o bihevioralnim ovisnostima (ili ovisnička ponašanja: kockanje, ovisnost o internetu, ovisnost o kompjuterskim igricama) - bihevioralne ovisnosti.

Transferisanje sredstava JZU Zavod za bolesti ovisnosti Zeničko-dobojskog kantona vršit će se u skladu sa odlukom Vlade Zeničko-dobojskog kantona o odobravanju sredstava.

Za transferisanje sredstava korisniku ovog programa zadužuju se Ministarstvo zdravstva i Ministarstvo finansija, svako u okviru svoje nadležnosti.

VII. IZVJEŠTAVANJE KORISNIKA

JZU Zavod za bolesti ovisnosti Zeničko-dobojskog kantona dužna je izvjestiti Ministarstvo zdravstva o namjenskom utrošku sredstava na način kako će biti određeno odlukom o odobravanju sredstava uz dostavljanje izvještaja o realizaciji programa u kojem je obavezno navođenje postignutih učinaka dodjeljenih sredstava sa prezentiranim mjerljivim pokazateljima (indikatorima).

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 52. stav (4) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-1915/26

Datum, 30.01.2026. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.